

**Zeitschrift:** Clubnachrichten / Schweizer Alpen-Club Sektion Bern  
**Herausgeber:** Schweizer Alpen-Club Sektion Bern  
**Band:** 62 (1984)  
**Heft:** 1

**Rubrik:** JO-Magazin

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 29.01.2025

**ETH-Bibliothek Zürich, E-Periodica, <https://www.e-periodica.ch>**

## Mitgliederbeitrag 1984

	Beitrag an Zentralkasse	Zeitschrift «Die Alpen»	Unfall- versicherung	Sektions- beitrag*	Total
Mitglieder im Inland	14.—	18.—	7.—	36.—	75.—
Mitglieder im Ausland	14.—	23.—	7.—	36.50	80.50
Ehepartner	7.—	fakultativ	7.—	36.—	50.—
Ab 40 Mitgliedsjahren	—.—	18.—	7.—	36.—	61.—
Ab 50 Mitgliedsjahren	—.—	—.—	7.—	36.—	43.—
Ab 60 Mitgliedsjahren	—.—	—.—	7.—	—.—	7.—**

\* Davon Fr. 1.— zugunsten Frondienstfonds. \*\* Wird durch die Sektion bezahlt.



## JO-Magazin

## Rechnung

Wenn 30% aller JO-Mitglieder an einem Anlass teilnehmen, ist dies grossartig. Wenn sich dazu noch 15% aller JO-Leiter gesellen, muss von einem Bombenerfolg gesprochen werden. Für jede anwesende Person reichte es für  $\frac{2}{5}$  Kuchen.

Rechne:

- Wieviele Mitglieder hat die JO?
- Wieviele Leiter hat die JO?
- Wieviele Meter Kuchen wurden in der Nacht vom 26. zum 27. November verzehrt?



Kaufen Sie Ihre Touren- und Bergschuhe beim aktiven Alpinisten. **SAC Rabatt. Fachmännische Beratung.**

Raichle  
Lowa  
Kastinger  
Dachstein

**SCHUHHAUS**  
**ERTL**  
**3073 GÜMLIGEN**

Zusatzfragen:

- Wo überall wurden an obgenanntem Datum langweilige Gesichter gesehen?
- Diskutiere die Problematik mit Deinem Nachbarn oder sende Deine Lösung an den JO-Chef.

PS. Für 1984/85 werden die Zahlen in der Aufgabenstellung der Wirklichkeit angepasst. Sie lauten: 100/100/1

Alles Gute für die Auflösung im Jahr 1984 wünscht Euch  
*Rolf Schifferli*

## Herbstkletterwoche Alpstein

2.–8. Oktober 1983

Am Sunntig Morge, z'viu vor acht,  
hei mir im Bahnhof Bärn abgmacht,  
u scho trifft dr Tinu i:

Das söll üse Fühlerer si?!

Zwe Ruckseck si nid gnue,  
är treit ä Plasticsack drzue,  
u mi dünkt da fasch ä chli,  
das chönnti Pfadipackig si.

Ganz verschlaffe luegt no dri  
üses Boumer Peterli;  
är lidet leider mächtig dra,  
dass är nid immer lige cha.

Öppis fällt üs allne uf  
u nimmt üs fasch dr Schnuf:  
ds Hildi schlaft itz no dähei,  
u mir schleppe alls allei.

Dr Käru het üs Tippe gä,  
wele Wäg mir sölle nä.  
Mir sölle über Troge reise  
und ume Fählesee ga kreise.

Äs isch du nid so gloffe.  
Chli besser, wei mer hoffe;

mir wohne i dr Hundsteihütte SAC  
mit em Blick uf e Fählese.

Wos de du isch dunkel gsi,  
isch ds Hildi o bi üs drby,  
u mir gö scho bald ga lige,  
um am Morge uche z'stige.

Schlafe oder nid, das isch itz d'Frag;  
dr Tinu chunnt ine heikli Lag.  
Söll är itz ufe Pesche lose  
oder lieber früeh i d'Hose?

D'Chrützbärge si itz dra.  
Dert wei mir d'Chlättere afa,  
Drü u Vier si bald bestige,  
u dr Pesche cha ga lige.

Am Hundstei hei mer öppis gschänkt,  
dr Brünu het dert ine Haagge ghänkt,  
ä Karabiner, dä blibt itz dert,  
d'Felswand fühlst sech geehrt.

I eire Route ghört me Gschöhn,  
ir Felswand hallt das Gchlöhn.  
Dr Brünu sitzt inne schöne Stand,  
dr Resu chrampfet i dr Wand.

Zum Hildi chunnt dr Blitz,  
kes Wunder bi der Hitz.  
Äs chlätteret Chrüz u quer  
u dr Mäxu hinterher.

Dr Pesche mit em grosse Muu  
ligt scho uf em Gipfu fuu.  
Är het privati Wäge gno  
u isch mit em Fränzi ufe Gipfu cho.

Ja, ds Fränzi isch ä Frau,  
si nimmts mit Blätze nid so genau,  
si tuet uf dä Chnöi viu blibe  
und am Abe Briefe scribe.

's heis no anger mit de Chnöi,  
am Mäxu siner Hose si nümme nöi,  
über ds Chnöi hei si itz scho  
ä grosse Schranz da übercho.

Am Resu siner Hose si dr Hit.  
Är nimmt se grad mit Bügelfalte mit.  
So chan er guet im Felse stah  
und am Brünu nachega.

Für e Tinu mues me Wärbig mache  
so für eventuelle Fühlersache.  
Zwöi Gipfubüecher hälfe scho,  
dass är Gescht cha übercho.

Am Morge wird geng flissig gmacht,  
das alles zitig schnäll erwacht;  
doch när nimmt mes nid so genau  
u gniest no d'Ussicht lang i ds Tau.


Itz wei mer de ga Ragglett gniesse  
u dr wissi Wii la fliesse  
u villech no eis singe,  
äs Verzascina la erklinge!

*Theres Stämpfli*

### **Rindere einräumen**

24./25. September 1983

Scho am Samschtmorge si dr Fred, dr Brünu  
und ig gäge d'Rindere gfare. Ds Diemtige  
hei mer ds nötige Material für ds Wuchenänd  
und d'Zuetate für ä Züpfe ghouft. Womer ir  
Rindere si aacho, heimer sofort d'Fänschter-  
läde ufta und d'Schleg zwäggmacht. Im Louf  
vom Vormittag isch d'Rege cho, wo zu ihrer  
grosse Begeischerig grad het chönne anti-  
quierti Chüssi mit no subere Azüg bezieh. Na-  
disnah si di andere o no cho. Wöu si so er-  
schöpft si gsy, heisi grad z'erscht müesse  
ässe. Wo sech aui verpflegt hei gha, het üs dr  
Hüttefredi gäge Pfaffe zum Houze gschickt.  
Nach emene Abstächer ufe Gipfu heimer  
rächt viu Escht usem Waud nidsi geschleipft.  
Dert isch dr Bartli mit sim Schützepanzer  
cho, het d'Escht uf ds Dach glade und isch  
mit ne zur Hütte gfare. Dert isch z'Houz so-  
fort gschittet worde. Langsam isch es Abe,  
mir müeder und d'Ussicht immer schöner  
worde. Dr Jüre isch mit dr Esther und dr  
Tjetske ufe Turne, um d'Ussicht z'gniesse,  
winer gseit hett. D'Tjetske isch scho gly wi-  
der bir Hütte gsy. Bi de zwöi andere hetts ä  
chli lenger duret. Die einte si afe i d'Chuchi ga  
Älplermaggaroni mache, während di ander-  
grosse, stanche Manne ihri Chraft bim  
Schitte verbrucht hei. Ds Znacht hei mer  
nach däm Tag gebührend gnosse. Der  
Räscht vom Abe heimer mit Pflötschliasse,  
Pfaffebeschtige und Plagiere verbracht. Wo-  
mer z'dritt ds voriiszytleche Gigampfi dyna-



**Burkhard & Co**

Malerei Gipserei  
Schönbergrain 12  
3006 Bern  
Telefon 44 41 03

misch teschtet hei, simer under d'Wuldechne gschloffte.

Am nächschte Morge simer vom Fred und am Res gweckt worde, wo scho flissig gschittet hei. Us irgendwelche unerfindliche Gründ heigme im obere Schlag nümme chönne schlafe. Offebar binig am Maître d'Hotel agnahm ufgfaue, susch hätt är mi nid für ds Abwäsche beschtimmt. Äs isch e Gnuss gsy, i aune dene aaghockete Maggaroniräschte umezchraue. Gottseidank heimer d'Tjetske, d'Pauline, dr Nicolas und dr Mäxu abtröchnenderwis under d'Arme griffe, während us dr Fredi gnüsslech zuegluegt het. Derfür isch d'Züpfe, woner bache het, würklech guet gsy. Nachär simer wie am Samschtig ga houze. D'Esther isch so fründlech gsy und isch gärn wider abschtige, für Dünns ga z'hole. Ob si zwar die Aschträngig wäge us oder wägem orange Kombi gmacht het, isch nid ganz klar. Nachdäm aues Houz bir Hütte gsy isch, simer ufem Vordach desumegläge und hei Comics gläse, während dr Fred es paari mit Dienschterinnerige unterhaute het. Wo du Waudvögi & Co. abzottlet si, simer no ufe Aabebärg, für ga z'luege, was dr Jüre und d'Esther o so alleini mache. Doch schynts nid allzu wiud zue und härgange z'sy. Bluetschpure het me kener gseh. Womer aui vo verschidene Schtandpükt us di imposante Tiefblicke gseh gha hei, simer über d'Weide zur Rindere zrugg gloffe. Dert het dr Fred fasch aune danket und us ä schöni Heireis gewünscht. Meh oder weniger gmüetlich simer aui uf Bärn zruggfahre. *Chrigu*

## Berichte

### Piz Guiv, 3098 m – Piz Nair, 3059 m

24./25. September 1983

Leiter: Ernst Aschwanden

6 Teilnehmer

Nach rund 1½ Stunden sind wir am Samstagnachmittag in Erstfeld und treffen Alfred, der mit der SBB angereist ist. Von der Talstation der Golzernseilbahn geht's hinein ins Etlital. Das bis anhin sehr romantische Bergtal ist heute leider durch eine Alpstrasse zum Teil ein wenig «entweiht». Aber bereits nach einer Stunde Marschzeit hat das Tal wieder

seinen ursprünglichen Charakter. Nach genau 3¼ Stunden sind wir bei der Etlzhütte SAC, 2057 m. Zum Glück haben wir reservierte Plätze, denn die Hütte ist stark belegt – zum grössten Teil von Passwanderern, welche über den Chrüzlipass nach Sedrun wollen. Wir erhalten unsere Schlafstätten, und auch das Nachtessen ist sehr gut und preiswert.

Morgens um 05.00 Uhr werden wir vom Hüttenwart geweckt, mit der Bemerkung, dass das Wetter schlecht sei. Eine riesige Überraschung für uns, denn tags zuvor war wirklich ein strahlender Herbsttag. Trotz der schlechten Prognose machen wir uns ans Morgenessen und marschieren um 06.00 Uhr (beim ersten Büchsenlicht) ab. Der Regen hat aufgehört, und das Wetter weiss noch nicht so recht was es will. Nach rund einer Stunde Aufstieg über eine stotzige Moräne trennen sich die Routen: Nach links geht's zu unserem programmgemässen Ziel, dem Piz Nair, und nach rechts zum Piz Guiv. Aschi meint, dass es für beide Gipfel reichen sollte. Nach einer weiteren Stunde sind wir am Beginn eines ziemlich steilen und zerrissenen Gletschers. Wir sind froh, dass wir die Steigeisen bei uns haben, und dank diesem Hilfsmittel sind wir nach insgesamt 3 Stunden auf der Guiv-Lücke. Hier lassen wir die «Eisen» und alles Überflüssige zurück, und über einen Blockgrat sind wir nach einer halben Stunde auf unserem ersten Dreitausender, dem Piz Guiv. Leider ist die Sicht nicht hundertprozentig. Wir bleiben trotzdem beinahe eine halbe Stunde hier und lassen uns das für uns zum grössten Teil unbekanntes Panorama erklären. Nach weiteren 2½ Stunden sind wir auf der Nair-Lücke und stehen vor unserem ursprünglichen Ziel, dem von hier aus sehr imposant aussehenden Piz Nair. Es folgt eine sehr schöne Kletterei zum Gipfel. Genau um 12.30 Uhr drücken wir uns zum zweiten Dreitausender die Hände. Wir alle sind sehr glücklich, denn am Morgen sah es noch so aus, als ob alles ins Wasser fallen würde. Auf der Nair-Lücke stossen wir mit Marcellos Weissem auf unsere beiden Gipfel an. Aufziehender Nebel mahnt uns zum Aufbruch, und um 15.30 Uhr sind wir wieder bei der Etlzhütte. Im Eilzugstempo geht's hinunter nach Bristen, wo wir uns voneinander verabschieden, nachdem wir vorher Aschi für die zwei sehr schönen Tage im Urnerland ganz herzlich gedankt haben. *S. R.*